

**Programma Quo Rector Universitatis Rostochiensis \$3000, Med. D. & Professor
Ad lustorum funebrium debitam & piam exsolutionem Infantulo suavissimo,
Johanni Salomoni Viri ... Dn. Georgii Hegenwaldi, I. U. D. eximii ... Filiolo ... Hodie
hora 1. destinata, praestanda, Omnes Literariae Reipubl. Cives peramanter ac
officiose invitat**

Rostochii: Kilius, 1656

<http://purl.uni-rostock.de/rosdok/ppn77085835X>


Druck Freier  Zugang





Bacmeister, J.,
in J. S. Hegenwald,

Rost. 1656.

5







PROGRAMMA 107.

Quo
RECTOR

Universitatis Rostochiensis
JOANNES BACMEISTERUS,

Med. D. & Professor

Ad

Justorum funebrium debitam & piam
exsolutionem

Infantulo suavissimo,

JOHANNI
SALOMONI

VIRI

Consultissimi, Excellentissimi ac Clarissimi

Dn GEORGH HEGENWALDI,

Primarii, & Judicii Provincialis Mecklen-
burgici Advocati industrii

Filiolo desideratissimo

Hodie hora 1. destinatum, prestandam,

Omnes Literariæ Reipubl. Cives peramanter ac
officiose invitat.

ROSTOCHII,
Typis Hæredum NICOLAI KILII, Acad. Typ.
Anno 1656.



Ta comparatum est in ætate hominum, voluptatem ut mœrori comes consequatur, & Vita nostra gaudii & luctus perpetuas sortiatur vices, curasq; lætitiæ vel prævias, vel sequaces. Miscentur tristitia lætis, & subtexta malis bona sunt, lachrymæq; sequuntur vota, juxta Manilium, & ut Lucretii utar verbis --- --- --- --- medio de fonte leporum

Surgit amari aliquid,

Animadvertentes itaq; Romani, mortaliū conditionem has habere vices, ut adversa ex secundis, & ex adversis secunda nascantur. *Angeroniam*, ab angoribus, Verrius Flaccus teste, & *Volupiam* à Voluptatibus dictas Deas duas, non tantum in uno templo, sed & Angeroniæ simulacrum ore obligato atq; signato patientiæ indice in arâ Volupiæ collocabant, illasq; duas vicissitudines rerum humanarum adumbrantes Deas arctè conjungebant, referente Macrobius, saturnal. l. i. c. 10. Et quidem merito; Si enim alicui varias humanarum rerum vices incertamq; fortunam mente contemplari libuerit, haud sanè mediocri, singula quæq; inspiciendo, admiratione meritò capietur, cum nullum penitus ex his, quæ à nobis bona putantur, purum comprehenderit atq; sine omni prorsus molestiâ sincerum mortalibus unquam obtigisse; contraq; nullum usquam tam extremâ conditione malum, qui cum non aliqua quocunq; modo præsidii ratio comes & voluptatis adveniat. D. Chrysostomus hanc vicissitudinem egregie nobis inculcat, dum Universum orbem terrarum, inquit, ita Deus gubernat, ut modò hoc modò illud adhibeat, nec secunda semper immittat, nec adversa incutiat. Et quemadmodum nox diei succedit, dies nocti, æstas hyemi, & è conver-

fo: eodem nos quoq; modo, alios dolor vexat, alios voluptas permulcet, & nunc quidem ægrotatione laboramus, modò autem fruimur sanitate. Non ergò admirerur, quoniam etiam quando nobis sanitas adest, admirari oportet: nec conturbemur, quando dolor nos exagitat, quoniam etiam quando gaudemus, conturbari par esset. Quare ad illam rerum conditionem, quam mutare non possumus, animus noster aptandus est, hanc sequatur, huic pareat, & quæcunq; fiunt, debuisse fieri putet. Hyems frigora adducit, æstas calores refert, æstuandum est. Intemperies cæli valetudinem tentat, ægrotandum est; Nec velit objurgare naturam. *Optimum est, autore Seneca, pati, quod emendare non possis.* Adversus utrumq; statum invictum animum teneamus necessum est, nobisq; id tribuamus, quod sibi Achilles apud Euripidem in Iphigenia.

Ἴψηλόφρων μοι θυμὸς ἀρετῆς πρόσω
 Ἐπίσταν δὲ τοῖς κακῶσι τ' ἀχαλᾶν,
 Μετρίως τε χαίρειν πῖσιν ἐξωγκωμένοις. h. c.
*Excelsus animus porro nunc mi attollitur.
 Qui novit in rebus dolere tristibus
 Et cum modò gaudere jam melioribus.*

Sensistis & Vos, ò Mœstissimi parentes, rerum vicissitudinem dicto citius aliquando ingruì. Simulatq; enim, filiolum vestrum toties opratum felici partu editum, videbatis; proh!quam hilari animo illum excipiebatis, ac datorem istius gratiarum actione celebrabatis, atq; omnium amicorum votis ac gratulationibus exhilarati in spem generis ac propagationem familiæ eundem superstitem vobis fore credebatis. Sed ecce: Voluptatem, hanc, quam ex jucundissimo filioli complexu vix primoribus labris gustaveratis, extremisq; ut dicunt, dignitatis attigeratis, confestim & sine ullâ morâ, mox à

tergo dolor insequitur, dum flosculum illum vix Ephem-
erum importunus, inopinus ac plane insperatus uni-
cæ afflictionis ventus decutit, mortisq; calculus humi
sternit. O Vita humana perpetuis obnoxia miseris,

O vanitatum vanitas,

Terrena cuncta perfida,

Mundana cuncta sordida,

O vanitatum vanitas!

O vanitatum vanitas!

Terrena cuncta noxia,

Mundana cuncta pessima,

O vanitatum vanitas!

O vanitatum vanitas!

O misera terrena omnia!

O Umbra mundana omnia!

O vanitatum vanitas!

Recte Seneca dicebat, Quod Felicitas dicitur Fel continet
præsentissimum, & Euripides apud Plutarchum,

Ὀδ' ὄλβου, ἔ βέβαιον αἰὶν ἐφήμερον

Καὶ ἡμέρα μία πρὸς μὲν καὶ τοῖσιν ὕψιστον

Τὰδ' ἡρ' ἀνω h. e.

Nec stabilis est felicitas

Sed in diem durans, & unicus dies,

Et hæc ablato traxit, hæc & sustulit.

Quo etiam respexit Homerus, quando

Ὀιητὸρ Φύλων γενεή, τοίη δὲ καὶ ἀνδρῶν h. e.

Tale quidem genus est hominum, quale est foliorum

Privati estis, fateor, filiolo vestro unico, lugetisq; cum
jure merito, quod storgæ imperant naturales: luctui au-
tem ut modum ponatis, & voluntate DEI repetentis id
quod dedit, vos submittat, rogo. Quod cum etiam vos
ex chartâ à te, Vir Consultissime ac Clarissime ad me
transmissa, in qua, ut pro more funus Programmate pro-
sequar, contendis, facere videam, ipsissima verba tua hic
inserere placuit.

Natus

Natus est filiulus meus d. 29. Febr. circa dimidiatam secundam noctur-
 nam, opem ferente Deo, communi nostro gaudio, insequenti die,
 qui erat 1. Martii lavacro regenerationis confestim renatus nomen inditum,
 accepit JOHANNES SALAMON: Ab hac ipso die optime dispositæ
 valetudinis repperit, in eo persentiscebamus, donec die 5. Martii pomeri-
 diano tempore ubera matris sugere detrectaret; Ominabamur tum primò
 ipsum forte lac consuetum ob flatuum aliquem tumorem alvum macerantem
 aversari, unde aliqua remedia ad dissipandos ejusmodi flatus & ad rela-
 xandam alvum adhibebantur, sed conamine pro dolor! frustraneo; conti-
 nuo enim ipse lachrymas fundebat motu, quæ Spirituum contentio nunquam
 desistens illud infansibus commune malum ob nervosarum partium debilem
 structuram & ipsi tempore nocturnò accersebat, ut Epilepsia infestare-
 tur, qui affectus sat acutus non solum omnia medicamina respuebat, ve-
 rum in tantum vires teneri pueruli frangebatur ac consumebat, ut in sequenti
 die 6. Martii in ipso lecto lethi virus sese exsereret, quò corruptus placide
 in Domino animam exhalabat, ac sic audita hora undecima matutina ejus-
 dem diei inter suspiria nostra denascebatur: Oque subita cantilenæ Eia
 Metamorphosis: nunc accinere cogimur Eheu: sed cum omnium rerum
 humanarum historia sit interire, Vitaq; hominis rectè viva Mors audiat,
 & aceto lubens.

Egregie tu hæc & Christiane. Ita enim liberi sunt pro-
 creandi, ut memineris, his à rerum naturâ & accipien-
 di spiritus, & reddendi eodem momento temporis le-
 gem dici: atq; ut mori neminem solere, qui non vixerit,
 ita nec vivere aliquem quidem posse, qui non sit moritu-
 rus. Nosti, credo, quid responsi dederit, audita filii
 morte Anaxagoras: Nihil, inquit, mihi inexpectatum
 aut novum nuncias, ego enim illum ex me natum scie-
 bam esse mortalem. Nosti præterea, quid animi Æ-
 milius Paulus, quid Cato ipse, quid Pericles, quid Xe-
 nophon ille, Socraticus condiscipulus Platonis atq;
 æmulus, quid innumerabiles alii natorum in mortibus
 habuere; nec te præterit ut Propheta idem & Rex quem lan-

languentem fleverat, non flevit extinctum, cogitans,
 quod irrecuperabilia lugere supervacuae dementiae ve-
 rius, quam pietatis sit. Minimè autem hoc ideo dictum
 velim, ac si in funere ipso erigi vultum & animum
 ne contrahi quidem vellem. *Inhumanitas est ista, inquit Se-
 neca, non virtus, funera suorum isdem oculis, quibus ipsos videre, nec
 commoveri ad primam familiarum divulsionem. Sed quemadmodum in
 ceteris rebus, ita & in lachrymis aliquid sat est.* Nec id lugeas ne-
 cessum est, quod, qui sequi debuerat, antecesserit.
 Nam quamvis illam ipsam viam ille præcesserit, quam
 mox nobis omnibus inire necessum: Tamen præterla-
 pso illo puncto temporis transgressi in unum idemq;
 diverforium conjuncti agemus quicquid ævi reliquum
 est. Pulchrè hoc ipsum exprimit Antipho Comicus, dum
 inquit,

πενθεῖν δὲ μετρίως τὰς προσήκοντας φίλους;
 ἔ γάρ θνητοῖσιν, ἀλλὰ τὴν αὐτὴν ὁδὸν,
 ἣν πάντες ἐλθεῖν εἰς ἀναγκάσιως ἔχον.
 προσελήλυθασι. Εἶτα χ' ἡμεῖς ὕστερον
 εἰς τοῦτο καταγώγιον αὐτοῖς ἤξομεν,
 κρινῆ ἢ ἄλλον συνδιατρέψοντες χεῖρον.

Verum exceptit illum magna & æterna pax: non pauper-
 tatis metu, non divitiarum cura, non libidinis per
 voluptatem animos carpentis stimulis incessitur, non
 invidia felicitatis alienæ tangitur, nec suæ premitur. Il-
 le iter ambiguum à tergo habet ibiq; constitit unde nil
 eum pellat, ubi nil terreat, & sic suum tulit

---- Metasq; dati pervenit ad ævi.

Nostrum nunc erit memoriam mellitissimi hujus Pueru-
 li celebrare, & more Romanorum, qui patriæ, majo-
 rumq; imagines solemni pompâ & ritu præferri funeri-
 bus curabant, ortum ejus respicere, quem à radice bona,
 proba

proba ducit Patrem enim habuit Virum supra nominatū
Consultissimum ac Excellentissimum Dn. GEOR-
GIUM HEGENWALDUM J. U. D. & Arco-
pagi Sternbergensis Advocatum dignissimum, Matrem
vero MARGARETAM Wolten foeminei sexus decus
& Coronam. Avum paternum habuit Virum Spectatissi-
mum ac Eximium Dn. SALOMONEM HEGEN-
WALD Scabinatus Kneiphofiensis Regimontip. m.
Assessorem gravissimum. Aviam verò DOROTHE-
AM von Weinbeerin Viri Amplissimi, ac Consultissimi
Dn. GEORGI von Weinbeer præ Consulis Veteris Op-
pidi Regimonti ex nobili stemmate ipso sanguine ori-
undi filiam. Avus Maternus fuit Vir Prudentissimus
ac Spectatissimus Dn. JOHANNES Wolte / Sena-
tor hujus urbis p. m. bene meritus. Avia vero MAR-
GARETA Martens / Matrona honestissima. Proa-
vum Paternum nominavit CASPARUM Hegen-
walde / Mercatorem dum in vivis esset Regimonti pri-
marius, Maternum vero JOACHIMUM Wol-
ten / Civem ac Cerevisiarium p. m. non postremum. Pro-
aviam Paternam STBILLAM Eters / Antiquissimæ
Borussorum prosapiæ Etersen Originem debens. Ab-
avus deniq; Paternus fuit Vir Reverendus & Clarissimus
Dn. ERHARDUS Hegenwalde / Ecclesiastes, & cantile-
næ illius notissimæ, Erbarm dich meiner O Herre Gott
&c. auctor. Ex hoc tam præclaro sanguine cretus non
potuit flosculus hicce alios quam felicissimos fructus
polliceri. Sed calamitates & imbres imminentes Jeho-
va hortulanus prævidens florem hunc periculo præsen-
ti subducere & in locum felicissimæ securitatis citò
transferre voluit. Nos animulæ beatitudinem

non

non inuidebimus, quæ, ut supra dictum, suo tempore
corpori jungetur non amplius morituro: sed iusta vobis-
cum, O parentes agnatiq; mœstissimi / faciemus defun-
cto. & quod superest terræ mandabimus, quicquid
ejus mortale erat, ultimumq; Vale ipsi accinemus, ac

**TELLUS. HUIC TUMULO. NE. GRA-
VIS. ESSE. VELIT.**

precabimur. Comites autem in deductione erunt,
quotquot sub nostrâ jurisdictione sunt, qui se gratum
facturos scient, Parentibus mœstissimis, toti; ordini
literatorio. In hunc itaq; finem ut frequentes ad ho-
diernam I. in Templo Mariano conveniatis, & affi-
ctissimam in hâc Academia & Urbe Rempubl.

Jehovæ defensori nostro commen-
detis, peramanter
rogo.

**P. P. Rostoch. sub Sigillo Rectoratus
XIII. Martii. Anno M. DC. LVI.**



GK



Natus est filiolus meus d. 29. Febr. circa dimidiatam seculi
nam, opem ferente Deo, communi nostro gaudis, in
qui erati. Martii lavacro regenerationis confestim renatus non
accepit JOHANNES SALAMON: Ab hoc ipso die op
valetudinis recuperata in eo persentiscebamus, donec die 5. M
diano tempore ubera matris sugere detrectaret; Ominabamur
ipsum forte lac consuetum ob flatuum aliquem tumorem alvum
aversari, unde aliqua remedia ad dissipandos ejusmodi flat
xandam alvum adhibebantur, sed conamine pro dolor frustra
nuo enim ipse lachrymas fundebat motu, que Spirituum conter
desistens illud infantibus commune malum ob nervosarum parti
structuram & ipsi tempore nocturno accersebat, ut Epile
tur, qui affectus sat acutus non solum omnia medicamina
rum in tantum vires teneri pueruli frangebat ac consumebat,
die 6. Martii in ipso lecto lethivirus sese exsereret, quo corru
in Domino animam exhalabat, ac sic audita hora undecima
dem diei inter suspiria nostra denascebatur: Oque subita
Metamorphosis: nunc accinere cogimur Eheu: sed cum or
humanarum historia sit interire, Vitaq; hominu recte viv
zaceo lubens.

Egredie tu hæc & Christiane. Ita enim liber
creandi, ut memineris, his à rerum naturâ &
di spiritus, & reddendi eodem momento te
gem diciturq; ut mori neminem solere, qui n
ita nec vivere aliquem quidem posse, qui non
rus. Nosti, credo, quid responsi dederit,
morte Anaxagoras: Nihil, inquit, mihi in
aut novum nuncias, ego enim illum ex me n
bam esse mortalem. Nosti præterea, quid
milius Paulus, quid Caro ipse, quid Pericles
nophon ille Socraticus condiscipulus Pla
æmulus, quid innumerabiles alii natorum il
habuere, nec te præterit ut Propheta idem &

A 3

